

CONVENIO DE COLABORACIÓN ENTRE A AXENCIA DE TURISMO DE GALICIA E A FUNDACIÓN GALICIA SUSTENTABLE PARA A DELIMITACIÓN DO TRAZADO DA SENDA LITORAL DE GALICIA

MEMORIA XUSTIFICATIVA

O xerente de Turismo de Galicia

DECLARA:

Que esta Axencia de Turismo de Galicia formalizou coa Fundación Galicia Sustentable o instrumento convencional arriba referido por un período de vixencia que abrangue dende o día seguinte da súa sinatura ata o 31 de decembro de 2025.

Que o instrumento convencional ten por obxecto articular a colaboración entre a Axencia de Turismo de Galicia e a Fundación Galicia Sustentable para a realización dun estudo para a materialización e desenvolvemento da delimitación do trazado da "Senda Litoral de Galicia".

Este proxecto pretende revalorizar o litoral galego fomentando o descubrimento do litoral, concienciando sobre o seu valor natural e patrimonial como reclamo turístico, promovendo a xestión sostible desde o destino.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar se fundamenta no seguinte:

Primeiro.- A Axencia Turismo de Galicia, segundo o Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos, ten como obxectivo, impulsar, coordinar e xestionar a política autonómica en materia de turismo e, en especial, a promoción e a ordenación do turismo dentro da comunidade, e para lograr esta finalidade a Axencia Turismo de Galicia, acomete no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos.



Segundo.- A Fundación Galicia Sustentable é unha fundación privada de interese galego, constituída o 26 de decembro de 2008.

A Fundación ten como finalidade xeral o aproveitamento do potencial de Galicia e as súas xentes cara a sustentabilidade desenvolvendo os potenciais dos individuos e colectivos a través das súas accións, actividades e proxectos.

Segundo se establece no artigo 7 dos seus estatutos para a consecución dos seus fins a fundación organizará e levará a cabo actividades do seguinte tipo, entre outras:

- Actividades formativas, de divulgación do concepto da sustentabilidade tales como ciclos de conferencias, seminarios, cursos e congresos.
- Organizar actos públicos para a concienciación e para enviar mensaxes a prol da sustentabilidade á sociedade civil.
- Actividades culturais no marco da sustentabilidade como exposicións, concertos, charlas de divulgación cultural, ciclos de cine ou proxeccións puntuais de películas e documentais.
- Asesorar a institucións de carácter público e privado con competencias ou actuacións estratéxicas que poidan ter efectos sobre a sustentabilidade.
- Participar en proxectos de I+D+i que fomenten, profunden ou traten de facer unha contribución cara a sustentabilidade, en particular no referido á ordenación do territorio.
- Apoiar, a través da transferencia de coñecemento, iniciativas empresariais e proxectos de emprendedores que impulsen, difundan e favorezan coas súas actividades a sustentabilidade de Galicia.

(...)

Galicia, como destino natural relevante polas súas paisaxes e especialmente polo atractivo do seu litoral, cun enorme valor paisaxístico e ambiental, actúa como factor de atracción para quen a visita, cunha costa única configurada a través das súas rías, cabos, praias, vilas e pobos mariñeiros, cidades atlánticas e portos. O litoral galego constitúese como un eixe de unión de todos estes elementos.

Terceiro.- A Senda Litoral de Galicia configúrase como un itinerario de interese paisaxístico, en coherencia coa natureza e as funcións que lle outorgan as Directrices de Ordenación do Territorio e o Plan de ordenación do litoral (POL) e ten por obxecto fomentar o descubrimento do litoral, a valorización dos recursos territoriais e a lectura das paisaxes que se van percorrendo. Búscase, ao mesmo tempo, a conexión con outras rutas alternativas que percorren núcleos asentados na contorna do seu percorrido e que ofrecen un rico patrimonio cultural e etnográfico, moitas veces descoñecido ou esquecido.



A administración autonómica escolleu como prioridade na convocatoria potenciar o valor da costa galega como reclamo turístico a través de actuacións de conservación nos seus recursos e mellorando as infraestruturas do seu entorno.

A mellora e humanización da senda litoral resulta clave tamén para abordar o desenvolvemento sostible de alternativas turísticas, fomentando a deslocalización xa que ofrece ao turista unha visión integral do territorio.

As accións que a Fundación Galicia Sustentable levará a cabo serán as seguintes:

- a. Manual de identidade corporativa:
 - i. Identidade visual
 - ii. Tipografía
 - iii. Elementos gráficos complementarios
 - iv. Aplicacións
 - v. Normas de uso
- b. Manual de sinalización e elementos auxiliares
 - i. Tipoloxía de sinais e equipamentos auxiliares
 - ii. Elementos gráficos básicos
 - iii. Aplicacións e descripción de sinais
 - iv. Elementos de sinalización
 - v. Equipamentos auxiliares.
- c. Informe de características do trazado (1.300 km)
 - i. Obxectivo e alcance do informe
 - ii. Descripción xeral da senda e contorna
 - iii. Análise do trazado: superficie, e estado actual
 - iv. Tramos comúns e conexións
 - v. Paso por fincas privadas: identificación
 - vi. Accesibilidade e uso
 - vii. Mantemento
 - viii. Identificación de problemas e oportunidades
 - ix. Conclusións con: puntos clave e recomendacións
 - x. Anexos
 - a) Cartografía
 - b) Documentación gráfica
- d. Informe de detalle de zonas propostas de actuación e descartes
 - i. Obxectivo e alcance do informe



- ii. Identificación xeral de zonas de actuación
 - a) Criterios de selección
 - b) Ficha resumo de cada zona de actuación
- iii. Tipoloxías de actuacións propostas
 - a) Identificación do tramo
 - b) Descrición da problemática
 - c) Proposta de actuación (solución proposta)
 - d) Impacto ambiental
 - e) Orzamento
- iv. Usos do chan e propiedade
 - a) Avaliación de restricións
 - b) Xestión de permisos
- v. Tramos descartados
 - a) Identificación do tramo
 - b) Motivo do descarte
- vi. Anexos
 - a) Cartografía
 - b) Documentación gráfica
 - c) Documentación adicional

Estas actuacións incrementarán a calidade da oferta turística xa que reforzan a capacidade de reclamo, dotando de novos atractivos ao territorio de actuación.

Polo exposto as partes teñen interese en xuntar esforzos na consecución duns fins que son comúns, motivo polo que a Axencia Turismo de Galicia considera axeitado, por razóns de interese público, colaborar nas accións obxecto do presente convenio.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, pola que se transpoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, ou doutro instrumento alleo á natureza estritamente convencional.



En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela

O xerente de Turismo de Galicia

Antonio Casas Calviño

